

EOLAS DO DHAOINE AG LÉIRIÚ SPÉISE

Cúlra, Sainchuntas ar Ról agus Sonraíocht

Cuireann Údarás Craolacháin na hÉireann fáilte roimh léirithe spéise ó dhaoine atá cáilithe agus a bhfuil taithí acu, chun a gcuid seirbhísí a thairiscint sa ról mar Bhall Seachtrach de Choiste Airgeadais, um Iniúcháireacht agus Riosca an BAI.

Tá sé mar aidhm ag an gCoiste Airgeadais um Iniúcháireacht agus Riosca, tacú leis an Údarás a gcuid freagrachtaí maoirseachta a chomhlíonadh, maidir leis an bpróiseas um thuirisciú airgeadais, leis an gcóras rialaithe inmheánach, leis an bpróiseas iniúcháireachta agus leis an bpróiseas le haghaidh monatóireacht a dhéanamh ar riosca agus ar chomhlíonadh dlíthe agus riaracháin.

Is ról neamhfheidhmiúcháin agus deonach é seo i gcreat maoirseachta an BAI, ról a chinntíonn go gcomhlíonann an BAI a ndualgais i leith rialacháin agus go n-úsáideann siad na cleachtais is fearr de réir na hearnála poiblí.

Tá sé riachtanach nach bhfuil coinbhleacht leasanna ag iarrthóirí leasmhara agus go mbeidh siad ar fáil/toilteanach a gcuid seirbhísí a thairiscint ar bhonn *pro bono*.

Cúlra agus Réamhrá

Bunaíodh Údarás Craolacháin na hÉireann ar 1 Deireadh Fómhair 2009, chun rialú a dhéanamh ar ábhar craoltóireachta go hiomlán, agus tá sé freagrach as na ról a mbíodh i seilbh Choimisiún Chraolacháin na hÉireann (BCI) agus an Coimisiún um Ghearáin Chraolacháin (BCC). Tá raon de chuspóirí ginearálta agus de chuspóirí ar leith leagtha síos don BAI faoin Acht Craoltóireachta.

Tá tuilleadh eolais faoin BAI, lena n-áirítear, ráitis airgeadais bhliantúla reachtúla agus tuarascálacha bliantúla, foilsithe ar www.bai.ie

Coiste Airgeadais, um Iniúcháireacht agus Riosca

Faoin gCód Cleachtais chun Comhlachtaí Stáit a Rialú, éilítear ar Chomhlachtaí Stáit na hÉireann, Coistí Iniúcháireachta a bhunú. Tá dualgas ar na coistí, foinse dearbhaithe uathúil agus oibiachtúil a chur ar fáil, maidir le saincheisteanna i dtaobh tuairisciú airgeadais, rialuithe inmheánacha, bainistíocht riosca, iniúcháireacht laistigh agus lasmuigh den chomhlacht agus maidir le sceithireacht, Go sonrach, i gcás an BAI, tugtar Coiste Airgeadais um Iniúcháireacht agus Riosca (FAR) ar an gCoiste Iniúcháireachta. Ceaptar gach ball de (FAR) chun ról criticiúil a ghlacadh le cinntiú go bhfuil próisis éifeachtacha agus láidre i bhfeidhm maidir le: rialuithe inmheánacha, bainistíocht riosca, bainistíocht airgeadais agus socruithe rialachais. Bunaíodh an coiste reatha i 2015.

Tá cóip de ról agus freagrachtaí bhall an choiste faoi cheangal in Aguisín 1. Ceapann an tÚdarás an Coiste Airgeadais um Iniúcháireacht agus Riosca.

Iniúchadh Seachtrach

Déanann an tArd-Reachtair Cuntas agus Ciste, iniúchadh ar Chuntais Airgeadais Údarás Chraoltóireachta na hÉireann agus ar an gCiste Craoltóireachta, ar bhonn bliantúil.

Iniúchadh Inmheánach

Déantar iniúchadh inmheánach a riaradh ag gnólacht cáilithe d' Iniúcháirí Inmheánacha, a cheapar trí chóras tairiscintí iomaíocha.

Cáilíochtaí

Tá cáilíocht chuntasaíochta agus/ nó, cáilíocht iniúcháireachta, riachtanach don phost. Cé nach bhfuil breis cháilíochtaí nó taithí i rialachas corparáideach, riachtanach, bheadh a leithéidí inmhianaithe.

Taithí

Ní mór taithí oibre iomchuí a bheith ag an té a cheapfar, rud a léireodh a inniúlacht chun ról mar bhall de Choiste Iniúcháireachta de Chomhlacht Poiblí a chomhlíonadh. Ba chóir go mbeadh taifead gnóthachtála sna réimsí seo a leanas ag an tá a cheapfar : léirléamh agus/nó iniúchadh chuntais, ról airgeadais i gcomhlacht príobháideach nó in údarás poiblí. Cé nach bhfuil taithí i gcreataí airgeadais agus rialachais san earnáil phoiblí , riachtanach, d'fhéadfadh sé bheith ina buntáiste.

Neamhspleáchas

Ní ceart go mbeadh caidreamh pearsanta nó proifisiúnta ag ball den Choiste Airgeadais um Iniúcháireacht agus Riosca, a d'fhéadfadh teacht salach ar chomhlíonadh an ról go neamhlaofa. Ní féidir leis/léi bheith ina bhall/ina ball den Fheidhmeannas. Beidh sé riachtanach go mbeidh an té a cheapfar in ann dearcadh neamhspleách a chaitheamh ar ról mhaoirseachta an Choiste.

Táille

Níl aon íocaíocht ag dul leis; déantar an ceapachán ar bhonn pro bono.

Speansais

Íocfar speansais taistil agus cothabhála le haghaidh freastal ar chruinnithe de chuid an Choiste Airgeadais um Iniúcháireacht agus Riosca, de réir rátaí a leagtar síos ó am go h-am ag an Roinn Caiteachais Phoiblí agus Athchóirithe.

Minicíocht Chruinnithe

Tagann an Coiste Airgeadais, um Iniúcháireacht agus Riosca le chéile ar a laghad (5) uair sa bhliain.

Próiseas Roghnúcháin, Achar Ama agus Critéir

Próiseas

Cathaoirleach an Údaráis i gcomhair le painéal an BAI, a dhéanfaidh measúnú ar léirithe spéise. Iarrfar ar iarrthóirí ón ngearrliosta, freastal ar chruinniú leis an bpainéal. Déanfaidh Cathaoirleach an Údaráis ceapachán i gcomhpháirt le Príomhfheidhmeannach an BAI.

Achar Ama

Tá sé beartaithe teagmhála neamhfhoirmiúla a dhéanamh tar éis an spriocdháta 17 Iúil 2017 agus chuige sin go ndéanfar daoine leasmhara a chur faoi agallamh le linn na seachtaine dar tús 24 Iúil 2017. Reáchtálfar clár ionduchtúcháin sula mbuailfidh an duine ceaptha leis an gCoiste Airgeadais, um Iniúchóireacht agus Riosca.

Critéir Roghnúcháin

Seo a leanas na critéir roghnúcháin don cheapachán:

- Taithí ábhartha agus cáilíochtaí, lena n-áirítear neamhspleáchas agus breithiúnas
- Infhaighteacht agus cumas riachtanais an ról a chomhlíonadh
- Taithí ábhartha eile

AGUISÍN 1

COISTE AIRGEADAIS, UM INIÚCHÓIREACHT AGUS RIOSCA AN BAI RÓIL AGUS FREAGRACHTAÍ NA MBALL

Tá ról ag an gCoiste Airgeadais, um Iniúcháireacht agus Riosca mar fhoinsé chomhairle neamhspleách agus mar fhoinsé tacaíochta don Phríomhfheidhmeannach agus don Údarás maidir le comhlíonadh a ndualgas maidir le rialú, le hairgead agus le rialuithe inmheánacha.

Ba chóir do gach ball den Choiste Airgeadais um Iniúcháireacht agus Riosca:

Freastal agus Breithiúnas Proifisiúnta

- Freastail ar (75%) de chruinnithe an choiste, ar a laghad (moltar 75%)
- Athbhreithniú a dhéanamh ar an bpaca eolais a chuirtear ar fáil roimh na gcruinnithe
- Páirt chuiditheach a ghlacadh sna cruinnithe
- Déileáil le faisnéis ar bith mar fhaisnéis rúnda mura sonraítear a mhalairt
- Bheith in ann machnamh agus breithiúnas neamhspleách a dhéanamh, agus bheith toilteanach gníomhú go dícheallach
- Meabhraítear do bhaill an Choiste atá ina bhfostaithe sa tseirbhís phoiblí, bheith comhfhiosach maidir lena bhfreagracht mar bhaill den Choiste Airgeadais, um Iniúcháireacht agus Riosca, seachas ionadaíocht a dhéanamh ar son an tionscail nó ar son na heagraíochta nó na hearnála ina n-oibríonn siad.

Iniúchadh Inmheánach

- Ceadaigh An Chairt Iniúchta Inmheánaigh
- Déan measúnú ar oiriúnacht an iniúchta inmheánaigh ó thaobh neamhspleáchas, saineolas, taithí, caighdeán phroifisiúnta, raon oibre agus rochtain
- Ceap iniúcháirí inmheánacha trí chóras tairiscintí iomaíocha
- Déan an plean iniúcháireachta inmheánach a cheadú agus glac le tuairiscí ar dhul chun cinn, ar bhonn rialta
- Déan athbhreithniú ar thuairiscí arna eisiúint ag Iniúcháirí Inmheánacha tar éis a eisiúint
- Déan measúnú ar sheirbhís na n-iniúcháirí inmheánaí

Iniúchadh Seachtrach

- Déan measúnú ar an litir bhainistíochta agus ar thuairiscí eile ón iniúcháir seachtrach (an tArd-Reachtair Cuntas agus Ciste)
- Socraigh cruinniú le hiniúcháirí seachtracha uair sa bhliain ar a laghad in éagmais an fheidhmeannais

Nochtú Cosanta

- Déan measúnú ar éifeachtacht na bpolasaithe frith-chalaoise agus na bpolasaithe in aghaidh na héillitheacha. Meas feacht na foirne ar na polasaithe sin.
- Déan measúnú ar leordhóthanacht na socrúithe sceithireachta

Timpeallacht Rialaithe agus Meicníocht Rialaithe

- Déan measúnú ar ábharthacht agus leordhóthanacht an Ráitis faoin Rialú Inmheánach Airgeadais
- Déan measúnú ar leordhóthanacht na rialaithe airgeadais
- Déan measúnú ar éifeachtacht an chórais tuairisciú inmheánaigh chun réamhrabhadh a thabhairt ar teipeanna rialaithe agus ar rioscaí atá ag teacht chun cinn
- Cuir comhairle ar fáil don Phríomhfheidhmeannach maidir le hoiriúnacht agus stóinseacht chórais rialaithe inmheánaí agus nósanna imeachta an BAI.
- Déan cinnte go gcuireann an plan iniúchóireachta inmheánach deiseanna ar fáil le haghaidh athbhreithniú rialta ar chórais rialaithe inmheánacha agus ar nósanna imeachta an BAI.

Ráitis Airgeadais Reachtúla Bliantúla

- Athbhreithnigh na chéad dréachtanna de ráitis airgeadais sula ndéanfar iad a fhorpheas ag Údarás, sula gcuirfear iad faoi bhráid na brat-roinne (An Roinn Cumarsáide, Gníomhaireachta Aeráide agus Fuinnimh) agus sula ndéanfar iad a iniúchadh ag na n-iniúcháirí seachtracha.
- Sula gcuirfear ainm leis na ráitis airgeadais, is gá na nithe seo a leanas a mheas: polasaithe cuntasóireachta a cuireadh i bhfeidhm, iomláine na gcuntas, polasaí frithchialaoise, tuairisciú ar chaillteanais, saincheisteanna mírialtachta, ionracas agus cuibheas agus freagraí ar shaincheisteanna a tugadh chun solais ag an iniúcháir seachtrach.
- Féach an bhfreagraíonn na ráitis go cruinn do stádas airgeadais an chomhlachta.
- Athbhreithnigh an litir uiríll sula n-eiseofar é.

Sainfheidhmeanna an BAI

- Athbhreithnigh iniúchtaí eile a rinneadh in BAI, ar nós iniúchtaí a rinneadh ar an Scéim Maoinithe um Chraoltóireacht, iniúchtaí ar Fhorbairt Earnála etc.
- Cinneadh a dhéanamh maidir le saincheisteanna atá faoina bhráid agus cé acu a bhfuil nó nach bhfuil gá le hiad a fhorhéadú chuig leibhéal an Údaráis le haghaidh athbhreithnithe agus/ nó cinneadh

Cumhachtaí Fiosrúcháin

- Fiosraigh saincheisteanna ar bith laistigh de Théarmaí Tagartha an Choiste, chomh maith leis na hacmhainní atá ag teastáil chun é a dhéanamh agus deimhnigh go mbeidh fáil iomlán ar fhaisnéis.